

29051



16364

重修洛陽縣志卷之二十一

藝文之十

詩六 七言律

唐

從幸香山寺應制闕下衣冠多有作者

沈佺期

南山奕奕通丹禁北闕峩峩連翠雲嶺上樓臺千地起城
中鐘鼓四天聞旃檀曉閣金輿度鸚鵡晴林采毳分願以

洛陽縣志

卷之二十一 七律

醍醐參聖酒還將祇苑當秋汾

和上已蓮寒食有懷京洛

一作孫逖同上

天津御柳碧遙遙軒騎相從半下朝行樂光輝寒食借太
平歌舞晚春饒紅妝樓下東廻輦一作東郊道青草洲邊南渡
橋坐見司空掃西第看君侍從落花朝

早春洛陽苔杜審言

于季子

梓澤年光往復來杜霸遊人去不廻若非載筆登麟閣定
是吹簫伴鳳臺路傍桃李花猶嫩波上芙蓉葉未開分明
寄語長安道莫教留滯洛陽才



奉和春日出苑囑目應令

時爲太子舍人
使在東都作

賈曾

銅龍曉闕問安迴金輅春遊博望開
渭北晴光揺草樹終南佳氣入樓臺
招賢已得商山老託乘還徵鄴下才
臣在東周獨留滯忻逢睿藻日邊來

廣達樓下夜侍醑宴應制

蘇頌

東嶽封迴宴洛京西墉通曉會公卿
樓臺絕勝宜春苑燈火還同不夜城
正覩人間朝市樂忽聞天上管絃聲
醑來萬舞羣臣醉喜戴千年聖王明

洛陽縣志

卷之二十一 七律

二

使君席夜送嚴河南赴長水

得時字

參

嬌歌急管雜青絲銀燭金杯映翠眉
使君地主能相送河尹天明坐莫辭
春城月出人皆醉野戍花深馬去遲
寄聲報爾山翁道今日河南勝昔時

聞官軍收河南河北

杜甫

劍外忽傳收冀北初聞涕淚滿衣裳
卻看妻子愁何在漫卷詩書喜欲狂
白首放歌須縱酒青春作伴好還鄉
卽從巴峽穿巫峽便下襄陽向洛陽

上陽宮望幸

劉長卿

玉輦西巡久未還
春光猶入上陽間
萬木長承新雨露
千門空對舊河山
深花寂寂宮城閉
細草青青御路閑
獨見彩雲飛不盡
只應水去候龍顏

送孔巢父赴河南軍

一作皇甫甫同上

江城相送隔煙波
况復新秋一鴈過
聞道全軍征北虜
又言詩將會南河
邊心冉冉一作杳杳鄉人絕
寒色青青戰馬多

共許陳琳工奏記
知君名宦一作行未蹉跎

獄中聞收東京有赦
同上

傳聞闕下降絲綸
爲報關東滅虜塵
壯志已憐成白首
餘

洛陽縣志
卷之二十一
七律
三

生猶待發青春
風霜何事偏傷物
天地無情亦愛人

不須張密網
恩波自解惜枯鱗

贈王侍御
韋應物

心同野鶴與塵遠
詩似冰壺見底清
府縣同趨昨日事
升沈不改故人情
上陽秋晚蕭蕭雨
洛水寒來夜夜聲
自歎猶爲折腰吏
可憐驄馬路傍行

送河南陸少府
錢起

雲間陸生美且奇
銀章朱綬映金羈
自料抱材將致遠
寧嗟趨府暫牽車
東城社日催巢燕
上苑秋聲散御梨
朝

詔書還柏署行看飛隼集高枝

送王府張參軍附學及第東歸

韓翃

鄰家不識鬪鷄翁閉戶能齊隱者風
顧步曾爲小山客成名因事大江公
一身千里寒蕪上單馬重裘臘月中
寂寂故園行見在暮天殘雪洛城東

秋夜寄皇甫冉鄭豐

劉方平

洛陽清夜白雲歸城裏長河列宿稀
秋後見飛千里鴈月中聞擣萬家衣
長憐西雍青門道久別東吳黃鵠磯
借問客書何所寄用心不啻兩鄉違

洛陽縣志

卷之二十一 七律

四

秋夕閑居對雨贈別盧七侍御坦

竇牟

燕燕辭巢蟬蛻枝窮居積雨環籬籬
夜長簷霽寒無寢日宴厨煙溼未炊
悟主一言那可學從軍五首竟徒爲
故人驄馬朝天使洛下秋聲恐要知

奉酬侍御家兄東洛閑居夜晴觀雪之什

竇庠

洛陽宮觀與天齊雪淨雲消月未西
清淺乍分銀漢近輝光漸覺玉繩低
綠醅乍熟堪聊酌黃竹篇成好命題
應念武關山斷處空愁簿領候晨鷄

酬白樂天劉夢得

馮宿

共稱洛邑難其選何幸天書用不才
遙約和風對草草且令晴雪靜塵埃
臨岐有愧傾三省別酌無辭醉百杯
明歲杏園花下集須知春色自東來

洛陽早春憶吉中孚校書司空曙主簿
因寄清江上人
盧綸

值迴逢高筴馬頻雪晴閑看洛陽春
鶯聲報遠同芳信柳色邀歡似故人
酒貌昔將花共艷鬢毛今與草爭新
年來百事皆無緒唯與湯師結淨因

洛陽縣志

卷之二十一

七律

五

洛中張籍新居

王建

最是城中閑靜處更回門向寺前開
雲山且喜重重見親故應須得得來
借借學生排藥合留避處士乞松栽
自君移到無多日牆上人名滿綠苔

上陽宮

同上

上陽花木不曾秋洛水穿宮處處流
誰閣紅樓宮女笑玉璫金管路人愁
幔城入澗燈花發玉輦登山桂葉稠
曾讀刻仙王母傳九天未勝此中遊

春題龍門香山寺

一作楊武元衡

巨源

衆香天上梵仙宮，鐘磬寥寥半碧空。清景乍開松嶺月，亂
流長響石樓風。山河杳映春雲外，城闕參差茂樹中。欲盡
出尋那可得，三千世界本無窮。

將歸東都寄

一作別

令狐舍人

楊巨源

綠楊紅杏滿城春，一騎悠悠萬井塵。岐路未關今日事，風
光欲醉長年人。閑過綺陌尋高寺，強對朱門謁近臣。多病
晚來還有策，雒陽山色舊相親。

洛中初冬拜表有懷上京故人

劉禹錫

鳳樓南面控三條，拜表郎官早渡橋。清洛曉光鋪碧簾上

洛陽縣志

卷之二十一

七律

六

陽霜葉剪紅，綉省門簷組。初成刻雲路，鸞鸞想退朝。寄謝
慇懃九天侶，捨榆水擊各逍遙。

洛中寺北樓見賀監草書題詩

同上

高樓賀監昔曾登，壁上筆蹤龍虎騰。中國書流尚象北，
朝文士重徐陵。偶因獨見空驚自，恨不同時便伏膺。唯恐
塵埃轉磨滅，再三珍重屬山僧。

尉遲郎中見示自南遷牽復却至洛城東舊居之作

因以和之

同上

會遭飛語十年謫，新受恩光萬里還。朝服不妨遊洛浦，郊

園依舊看嵩山竹含天籟清商樂水遶庭臺碧玉環留作
功成退身地如今只是暫時閑

同樂天送河南馮尹學士

同上

可憐五馬風流地暫輟金貂侍從才閣上掩書劉向去門
前修刺孔融來嶠陵路靜寒無雨洛水橋長晝起雷共羨
府中棠棣好先於城外百花開

時馮伯仲四人並以
顯官居洛士宗榮之

同樂天送令狐相公赴東都留守

同上

尙書劔履出明光居守旌旗赴洛陽世上功名兼將相人
間聲價是文章衙門曉闕分天仗賓幕初開辟省郎從發

洛陽縣志

卷之二十一 七律

七

坡頭向東望春風處處看榮

刑部白侍郎謝病長告改賓客分司以詩贈別

同上

鼎食華軒到眼前拂衣高謝豈徒然九霄路上辭朝客四
皓叢中作少年他日臥龍將得雨今朝放鶴且冲天洛陽
舊有衡茆在亦擬抽身伴地仙

和樂天洛下醉吟寄大原令狐相公兼見懷長句

同上

舊相臨戎非稱意詞人作尹本多情從容自使邊塵靜談

笑不聞桴鼓聲章句新添塞下曲風流舊占洛陽城昨來亦有吳趨詠惟寄東都與北京

酬令狐相公見寄

同上

才兼文武播雄名遺愛芳塵滿洛城身在行臺爲僕射書來角里訪先生閑遊占得嵩山色醉臥高聽洛水聲千里相思難命駕七言詩裏寄深情

自左馬歸洛下酬樂天兼呈裴令公 同上

新恩通籍在龍樓分務神都近舊邱自有園公紫芝侶

時實

行四人盡在洛中仍追少傅赤松遊華林霜葉紅霞晚伊水晴光

洛陽縣志

卷之二十一 七律

八

碧玉秋更接東山文酒會始知江左未風流

酬樂天請裴令公開春如宴 同上

高名大位能兼有恣意遨遊是特恩二室煙霞成步障三川風物是家園晨窺苑樹韶光動晚度河橋春思繁弦管常調客常滿但逢花處卽開樽

郡內書情獻裴侍中留守 同上

功成頗獻乞身章擢落襄陽洛陽萬乘旌旗分一半八方風雨會中央兵符今奉黃公畧書殿曾隨翠鳳翔心寄華亭一雙鶴日陪高步繞池塘

樂天示過敦詩舊宅有感一篇吟之泫然追想昔事

因成繼和以寄苦懷

同上

淒涼同到故人居門枕寒流古木疎向秀心中嗟棟宇蕭
何身後散圖書本營歸計非無意唯算生涯尙有餘忽憶
前言更惆悵丁寧相約速懸車

敦詩與予及樂天三人同
甲子平生相約同休洛中

和牛相公遊南莊醉後寓言戲贈樂天兼見示

同上

城外園林初夏天就中野趣在西偏薔薇亂發多臨水鶺鴒
雙遊不避船水底遠山雲似雪橋邊平岸草如煙白家
洛陽縣志

卷之二十一 七律

九

唯有杯觴興欲把頭盤打少年

和思黯憶南莊見示

同上

丞相新家伊水頭智囊心匠日增修化成池沼無痕跡奔
走清波不自由臺上看山徐舉酒潭中見月慢回舟從來
天下推尤物合屬人間第一流

和僕射牛相公春日閑坐見懷

同上

官曹崇重難頻入第宅清閑且獨行階蟻相逢如偶語園
蜂速去恐違程入於紅藥惟看色鶯到垂楊不惜聲東洛
池臺怨拋擲移文非人會應成

寄楊八拾遺

時出爲國子主簿分司東都轉
八員外亦轉國子博士同在洛陽

同上

聞君前日獨廷爭漢帝偏知白馬生忽領簿書遊太學寧
勞侍從厭承明洛陽本自宜才子海內而今有直聲爲朝
同僚老博士范雲來歲卽公卿

福先寺雪中酬別樂天

同上

龍門賓客會龍宮東去旌旗駐上東二八笙歌雲幕下三
千世界雪花中離堂未暗排紅燭別曲含凄颺晚風才子
從今一分散便將詩詠向吳儂

洛陽縣志

卷之二十一 七律

十

侍中晉公欲到東洛先蒙書問期宿龍門思往感今

輒獻長句

同上

昔蒙典化池頭送今許龍門潭上期聚散但慙長見念榮
枯安敢道相思功名遂來雖久雲臥山遊去未遲聞說
風情筋力在只如初破蔡州時

送令狐尙書赴東都留守

張籍

朝廷重寄在關東共說從前選上公勲業新城大梁鎮恩
榮更守洛陽宮行香暫出天橋上巡禮常過禁殿中每領
羣臣拜章慶半開門仗日曛曛

寄孫洛陽格

同上

久持刑憲聲名遠，好是中朝正直臣。
赤縣上來應足事，青山老去未離身。
常思從省連歸馬，乍覺同班少舊人。
遙愛南橋秋日晚，雨邊楊柳映天津。

分司

白居易

散秩留司殊有味，最宜病拙不才身。
行香拜表爲公事，碧洛青青當主人。
已出閑遊多到夜，却歸慵臥又經旬。
錢唐五馬留三匹，還擬騎遊攪擾春。

吾廬

同上

洛陽縣志

卷之二十一

七律

十一

吾廬不獨貯妻兒，自覺年侵身力衰。
眼下營求容足地，心中準擬挂冠時。
新昌小院松當戶，履道幽居竹遶池。
莫道兩都空有宅，林泉風月是家資。

題新居寄宣州崔相公

新居南鄰
卽崔家池

同上

門庭有水巷無塵，好稱閑官作主人。
若似雀羅雖少客，寬於蠅舍足容身。
疎通竹徑將迎月，掃掠莎臺欲待春。
濟世料君歸未得，南園北曲謾爲鄰。

早春晚歸

同上

晚歸騎馬過天津，沙白橋紅返照新。
草色連延多隙地，鼓

聲閑緩少忙人還如南國饒溝水不似西京足路塵金谷
風尤依舊在無人管領石家春

送鶴與裴相臨別贈詩

同上

司空愛爾爾須知不信聽吟送鶴詩羽翮勢高寧惜別稻
梁恩重莫愁饑夜棲聊共鷄爭樹曉浴先饒鳳占池穩上
青雲勿迴顧的應勝在白家時

送河南尹馮學士赴任

同上

石渠金谷中間路軒騎翩翩十日程清洛飲冰添苦節碧
嵩看雪助高情漫誇河北操旄鉞莫羨江西擁旆旌何似
洛陽縣志

卷之二十一 七律

三

府寮京令外別教三十六峰迎

送東都留守令狐尚書赴任

同上

翠華黃屋未東巡碧洛青嵩付大臣地稱高情多水竹山
宜閑望少風塵龍門卽擬爲遊客金谷先憑作主人歌酒
家家花處處莫空管領上陽春

六年秋重題白蓮

同上

素房含露玉冠鮮紺葉搖風鈿扇圖本是吳州俱進藕今
爲伊水寄生蓮移根到此三千里結子經今六七年不獨
池中花故舊兼兼舊日採花船

池上小宴問程秀才

同上

洛下林園好自知江南景物闌
相隨淨淘紅粒罽香飯薄
切紫鱸烹水葵雨滴篷聲青雀舫
浪搖花影白蓮池停杯
一問蘇州客何似吳松江上時

將至東都先寄令狐留守

同上

黃鳥無聲葉滿枝閑吟想到洛
城時惜逢金谷三春盡恨
拜銅樓一月遲詩境忽來還自得
醉鄉潛去與誰期東都
漆籓狂賓客先報壺觴風月知

荅王尚書問履道池舊橋

同上

洛陽縣志

卷之二十一

七律

三

虹梁雁窗隨年換素板朱欄逐日修
但恨尙書能久別莫
忘州一作守不頻遊重移舊柱開中眼
亂種新花擁兩頭
李郭小船何足問待君乘過濟川舟

同王十七庶子李六員外鄭二侍御同年四人遊龍

門有感而作

同上

一曲悲歌酒一尊同年零落幾人存
世如閱水應堪嘆名
是浮雲豈足論各從仕祿休明代
共感平生知己恩今日
與君重上處龍門不是舊龍門

題平泉薛家雪堆莊

同上

怪石千年應自結靈泉一帶是誰開
蹙爲宛轉青蛇項噴作玲瓏白雪堆
赤日旱天長看雨元陰臘月亦聞雷
所嗟地去都門遠不得肩舁每日來

題岐王舊山池石壁

同上

樹深藤老竹迴環石壁重重錦翠斑
俗客看來猶解愛忙人到此亦須閑
况當霽景涼風後如在千巖萬壑間
黃綺更歸何處去洛陽城內有商山

天津橋

同上

天津橋東北斗亭西到此令人詩思迷
眉月晚生神女浦臉洛陽縣志

卷之二十一 七律

十四

波春傍窈娘堤柳絲裊裊風纒纒
出草縷茸茸雨剪齊報道前驅少呼喝
恐驚黃鳥不成啼

履道池上作

同上

家池動作經旬別松竹琴魚好在無
樹暗小巢藏巧婦渠荒新葉長慈姑
不因車馬時時到豈覺林園日日蕪
猶喜春深公事少每來花下得踟躕

水堂醉臥問杜三十一

同上

聞君洛下住多年何處春流最可憐
爲問魏王堤岸下竹如同德寺門前
無妨水色堪閑翫不得泉聲伴醉眠
那似

此堂簾幕底連明連夜碧潺湲

雪後早過天津橋偶呈諸客

同上

官橋晴雪曉裁裁老尹行吟獨一過紫綬相輝應不惡白
鬚同色復如何悠揚短景凋年急
千落衰情感事多猶賴
洛中饒醉客時時詭我喚笙歌

早春雪後贈洛陽李長官長
小鄭明府二同年

同上

獻歲晴和風景新銅駝街郭暖無塵府廷共賀三川雪縣
道分行百里春朱綬洛陽官位屈
可袍長水俸錢貧有何
洛陽縣志
卷之二十一
七律
功德紆金紫若比同年是幸人

五

天宮閣早春

同上

天宮高閣上何煩每上令人耳目新前日曉登緣看雪今
朝晴望爲迎春林鶯何處吟箏柱墻柳誰家晒麴塵可惜
三川虛作主風光不屬白頭人

贈夢得

同上

年顏老少與君同眼未全昏耳未聾放醉臥爲春日伴趁
歡行入少年叢尋花借馬煩川守弄水偷船惱令公聞道
洛城人盡怪呼爲劉白二狂翁

以詩代書寄戶部楊侍郎勸買東鄰王家宅

同上

勸君買取東鄰宅與我衡門相並開
雲映嵩峯當戶牖月
和伊水入池臺林園亦要閒
閑置筋力應須及健邇莫學
因循白賓客欲年六十始歸來

清明日登老君閣望洛城贈韓道士 同上

風光烟火清明日歌哭悲歡城市間
何事不隨東洛水誰
家又葬北邙山中橋車馬長無已
下渡舟航亦不閑
冢墓
纍纍人擾擾遼東悵望鶴飛還

洛陽縣志

卷之二十一 七律

六

和劉汝州酬侍中見寄長句因書集賢坊勝事戲而

問之

同上

洛川汝海封畿接履道集賢來往頻
一復時程雖不遠百
餘步地更相親
汝去洛程一宿屬道集賢兩宅相去一百三十步
朱門陪宴多投
轄青眼留歡任吐茵
聞道郡齋還有酒花前月下對何人

曉上天津橋聞望偶逢盧郎中張員外攜酒同傾

同上

上陽宮裏曉鐘後天津橋頭殘月前
空濶境疑非下界飄
飄身似在寥天星河隱映初生日
樓閣葱蘢半出烟此處

相逢傾一醜始知地上有神仙

閑臥有所思二首之一

同上

向夕褰簾臥枕琴微涼入戶起開襟偶因明月清風夜忽
想遷臣逐客心何處投荒初恐懼誰人繞澤正悲吟始知
洛下分司座一日安閑直萬金

八月十五日夜同諸客翫月

同上

月好共傳唯此夜境閑皆道是東都嵩山表裏千重雪洛
水高低兩顆珠清景難逢宜愛惜白頭相勸強歡娛誠知
亦有來年會保得晴明強健無

洛陽縣志

卷之二十一 七律

七

池上閑吟二首之二

同上

非莊非宅非蘭若竹樹池亭十畝餘非道非僧非俗吏褐
裘烏帽閉門居夢遊信意寧殊蝶身樂心閑便是魚雖未
定知生與死其間勝負兩何如

池上閑詠

同上

青莎臺上起書樓綠藻潭中繫釣舟日晚愛行深竹裏月
明多上小橋頭麩嘗新酒還成醉亦出中門便當遊一部
清商椰送老白鬚蕭颯管弦秋

問江南物

同上

歸來未及問生涯先問江南物在耶引手摩挲青石笋
頭點檢白蓮花蘇州舫故龍頭閣王尹橋傾雁齒斜別有
夜深惆悵事月明雙鶴在裴家

過元家履信宅

同上

雞犬喪家分散後林園失主寂寥時落花不語空辭樹流
水無情自入池風蕩讌船初破漏雨淋歌閣欲傾歌前庭
後院傷心事唯是春風秋月知

五鳳樓晚望

六月八月十日作

同上

晴陽晚照濕煙銷五鳳樓高天次寥野綠全經朝雨洗林
洛陽縣志

卷之二十一 七律

九

紅半被暮雲燒龍門翠黛眉相對伊水黃金線一條自入
秋來風景好就中最好是今朝

菩提寺上方晚眺

同上

樓閣高低樹淺深山光水色暝沈沈嵩煙半卷青綃幕伊
浪平鋪綠綺衾飛鳥滅時宜極目遠風來處好開襟誰知
不離簪纓內長得逍遙自在心

四年春

同上

柳梢黃嫩草芽新又入開成第四春近日放慵多不出少
年嫌老可相親分司吉傅頻過舍致仕崔卿擬卜鄰時輩

推遷年事到徃還多是白頭人

早春憶遊思黯南莊因寄長句

同上

南莊勝處心常憶借問軒車早晚遊美景難忘竹廊下好
風爭奈柳橋頭冰消見水多於地雪霽看山盡入樓若待
春深始同賞鶯殘花落却堪愁

奉和思黯自題南莊見示兼呈夢得

同上

謝家別墅最新奇山展屏風花夾籬曉月漸沈橋脚底晨
光初照屋梁時臺頭有酒鶯呼客水面無塵風洗池除却
吟讀兩閑客此中情狀更誰知

洛陽縣志

卷之二十一 七律

九

和敏中洛下卽事

同上

昨日池塘春草生阿連新有好詩成花園到處鶯呼入驪
馬遊時客避行水暖魚多似南國人稀塵少勝西京洛中
佳境應無限若欲諳知問老兒

近見慕巢尙書詩中屢有嘆老思退之意又於洛下
新置郊居然寵寄方深歸心大速因以長句戲而

諭之

同上

近見詩中歎白髮遙知闔外憶東都烟霞偷眼窺來人富
貴黏身擺得無新置林園猶淺落未終婚嫁且踟躕應須

待到懸車歲然後東歸伴老夫

題崔少尹上林坊新居

同上

坊靜居新深且幽忽疑縮地到滄州
宅東籬缺高峰出堂後池開浴水流
高下三層盤野徑泓洞十里汎瀕舟
若能爲客烹雞黍願伴田蘇日日遊

履道西門二首

同上

履道西門有弊居池塘竹樹遶吾廬
豪華肥壯雖無分飽暖安閑卽有餘
行竈朝香炊早飯小園春暖掇新蔬
夷齊黃綺誇芝蕨比我盤餐恐不如

洛陽縣志

卷之二十一 七律

三

履道西門獨掩扉官休病退客來稀
亦知軒冕榮堪戀其奈出園老合歸
跛驚難隨騏驥足傷禽莫趁鳳凰飛
世間認得身人少今我雖愚亦庶幾

題新澗亭兼酬寄朝中親故見贈

同上

何處披襟風快哉一亭臨澗四門開
金章紫綬解腰去白石清泉就眼來
自得所宜還獨樂各行其志莫相咤
禽魚出得池籠後縱有人呼可更迴

開龍門八節石灘詩二首

并序

同上

東都龍門潭之南有八節灘九峭石船筏過此例

及破傷舟人獸師推挽束縛大寒之月躑躅水中
饑凍有聲聞於中夜予嘗有願力及則救之會昌
四年有悲智僧道遇適同發心經營開鑿貧者出
力仁者施財於戲從古有礙之險未來無窮之苦
忽乎一旦盡除去之茲吾所用適願快心拔苦施
樂者耳豈獨以功德福報爲意哉因作二詩刻題
石上以其地屬寺事因僧故多引僧言見志

鐵鑿金錐殷若雷八灘九石劍稜摧竹篙桂檝飛如箭百
筏千艘魚貫來振錫導師憑衆力揮金退傅施家財他時
洛陽縣志

卷之二十一

七律

主

相逐西方去莫慮塵沙路不開
七十三翁旦暮身誓開險路作通津夜舟過此無傾覆朝
歷從今免苦辛十里叱灘變河漢八寒陰獄化陽春我身
雖沒心長在闍施慈悲與後人

遊樂豐招提佛光三寺

同上

竹鞋葵扇白綃巾林野爲家雲是身山寺每遊方寄宿都
城暫出卽經旬漢容黃綺爲逍客棄放巢由作外臣昨日
制書臨郡縣不該愚谷醉鄉人

六年立春日人日作

同上

二日立春人七日盤蔬餅餌逐時新年方吉鄭猶爲少家
比劉韓未是貧鄉園節歲應堪重親故歡遊莫厭頻試作
循湖封堰想何由得見洛陽春

分司致仕宮中吉傅鄭諡議最老韓庶子劉員外尤

貧循湖封三郡遷
峯皆洛下舊遊也

偶題鄧公

公卽給事中珽之子也
饑窮老病退居此村

同上

偶因攜酒尋村客聊復廻車訪薜蘿且值雪寒相慰問不
妨春暖更經過翁居山下年空老我得人間事校多一種
共翁頭似雪翁無衣食自一作如何

送張常侍西歸

同上

洛陽縣志

卷之二十一 七律

三

二年花下爲閑伴一旦尊前棄老夫西午橋街行悵望南
龍興寺立知罽洛城久住留情否省騎重歸稱意無出鎮
歸朝但相訪此身應不離東都

和河南鄭尹新歲對雪

同上

白雪吟詩鈴閣開故情新興兩喪回昔經勒苦照書卷今
助歡娛飄酒杯楚客難酬郢中曲吳公兼占洛陽才銅街
金谷春知否又有詩人作尹來

宴後題府中水堂贈盧尹中丞

昔子爲尹
日創造之

同上

水齋歲久漸荒蕪自媿甘棠無一株新酒客來方宴飲

堂主在重歡娛莫言楊柳枝空老府妓有歌楊柳枝曲者因以名焉直致

櫻桃樹已枯府西有櫻桃廳因樹爲名今樹亦枯也從我到君十一尹相看

自置府來無自予罷後至中丞比十一尹也

和白樂天

崔元亮

病餘歸到洛陽頭拭目開眉見白侯鳳詔恐君吟歲去龍
門欠我舊時遊幾人樽下同歌詠數盞燈前共獻酬相對
憶劉劉在遠寒宵耿耿夢長洲

七年初到洛陽寓居宣教里時已春暮而四老俱在

洛陽縣志

卷之二十一 七律

三

洛中分司

李紳

青莎滿地無三徑白髮緣頭忝四人官職謬齊商嶺客姓
名那重漢廷臣聖朝寡罪容衰齒愚叟多慙未退身惟有
門人憐鈍拙勸教沈醉洛陽春

重入洛陽東門

同上

商顏重命伊川叟時事知非入洛人連野碧流通御苑滿
階秋草過天津每慚清秩容衰齒猶有華簪寄病身驅馬
獨歸尋里巷日斜行處舊紅塵

拜三川守

同上

開成元年三月二十五日蒙恩除河南尹四月六日詔下洛陽是月自春不雨已踰六旬此日謝恩未詣公府馳禱龍祠止九日大降膏澤連靈浹日時苗頓茂又里巷比多惡少皆免帽散衣聚爲羣鬪或差肩追繞擊大毬里言謂之打棍諍論士庶苦之車馬逢者不敢前都城爲患日久詔下之曰此輩皆失所在却歸貧販之業間里間無復前患恭承寵詔臨伊洛靜守朝章化比閭風變市兒驚偃草雨晴郊藪謬隨車改張琴瑟移膠柱止息笙簞辨魯魚唯有洛陽縣志

卷之二十一

七律

十四

從容期一德使齊文教奉皇居

拜宣武軍節度使

同上

開成元年六月二十六日制授宣武軍節度使七月三日中使劉恁押送旌節止洛陽五日赴鎮出都門城內少長士女相送者數萬人至白馬寺涕泣當車者不可止少尹嚴元容鞭笞吏市人怒其戀慕留臺御史杜牧使臺吏遮歐百姓令其廢祖

帳

油幢並入虎旗開錦囊從天鳳詔來星應魏師新鼓角地

嫌梁苑舊池臺日暉紅旆分如電人擁青門動若雷伊洛
鏡清迴首處是非紛雜任塵埃

洛陽春望

鮑溶

五鳳樓南望洛陽龍門迴合抱蒼蒼受朝前殿雲霞煥封
岳行宮草木香四海爲家知德盛二京有宅十年長東人
猶憶時巡禮願覲元和日月光

上陽宮月

同上

水北宮城夜柝嚴宮西新月影纖纖受環花幌小開鏡移
燭瑤房皆捲簾學織機邊娥影靜拜新衣上露華沾合裁

洛陽縣志

卷之二十一 七律

五

班扇思行幸願託涼風篋笥嫌

寄東都分司白賓客

姚合

闕下高眠過十旬南宮印綬乞離身詩中得意應千首海
內嫌官只一人賓客分司真是隱山泉遶宅豈辭貧竹齋
晚起多無事唯到龍門寺裏頻

和東都令狐留守相公

一作奉寄東都
留守令狐相公

上

除官東守洛陽宮恩比藩方任更雄拜表出時傳七刻排
班衙日有三公旌旗嚴重臨關外庭宇清深接禁中三十
六峰詩酒思朝朝閑望與誰同

洛陽感寓

張 祜

擾攘都城曉四開不關名利也塵埃千門甲第身過入萬
里銘旌死後來洛水暮煙橫莽蒼邨山秋日露崔嵬須知
此事堪爲鏡莫遣黃金漫作堆

同樂天中秋夜洛河翫月二首之一 裴夷直

清洛半秋懸璧月綵船當夕泛銀河蒼龍頷底珠皆沒白
帝心邊鏡作磨海上幾時霜雪積人間此夜管弦多須知
天地爲鑪意盡取黃金鑄作波

洛陽長句二首

杜 牧

洛陽縣志

卷之二十一 七律

五

草色人心相與閑是非名利有無間橋橫落照虹堪畫樹
鎖千門鳥自還芝蓋不來雲杳杳仙舟何處水潺潺君王
謙讓泥金事蒼翠空高萬歲山

天漢東穿白玉京日華浮動翠光生橋邊遊女珮環委波
底上陽金碧明月鎖名園孤鶴唳川酣秋夢鑿龍聲連昌
繡嶺行宮在玉輦何時父老迎

故洛陽城有感

同 上

一片官牆當道危行人爲爾去遲遲
簾圭苑裏秋風後平
藥館前斜日時網黨豈能留漢鼎清談空解識胡兒
千燒

萬戰坤靈死慘慘終年鳥雀悲

洛陽

同上

文爭武戰就神功時似開元天寶中已建元戈收相土應
迴翠帟過離宮侯門草滿宜寒魂洛浦沙深下塞鴻疑有
女娥西望處上陽煙樹正秋風

金谷懷古

同上

淒涼遺跡洛川東浮世榮枯萬古同桃李香消金谷在綺
羅魂斷玉樓粧往年人事傷心外今日風光屬夢中徒想
夜泉流客恨夜泉流恨恨無窮

洛陽縣志

卷之二十一 七律

七

十二月拜起居表回

許渾

一章西奏拜仙曹回馬一作首天津北望勞寒水欲春冰彩

薄曉山初霽雪峰高樓形向日攢飛鳳宮勢凌波壓一作

斷 齧空鎖煙霞絕巡幸周人誰識鬱金袍

晚登龍門驛樓

同上

魚龍多處鑿門開萬古人知夏禹材青嶂遠分從地斷洪
流高瀉自天來風雲有路皆燒尾波浪無程盡曝腮心感
膺門身過此晚山秋樹獨徘徊

故洛城一作登故洛陽城

同上

禾黍離離半野蒿昔人城此豈知勞水聲東去市朝變山
勢北來宮殿高鴉噪暮雲歸古堞鴈迷寒雨下空壕可憐
纒嶺登仙子猶自吹笙醉碧桃

寄河南杜少尹

溫庭筠

十載歸來鬢未凋玳簪珠履見常僚豈關名利分榮路自
有才華作慶霄鳥影參差經上苑騎聲斷續過中橋夕陽
亭畔山如畫應念田歌正寂寥

和太常杜少卿東都修行里有嘉蓮 同上

春秋罷注直銅龍舊宅嘉蓮照水紅兩處龜巢清露裏一

洛陽縣志

卷之二十一

七律

天

時魚躍翠莖東同心表瑞荀池上半面分妝樂鏡中應爲
臨川多麗句故持重豔向西風

晚秋洛陽客舍

劉滄

清洛平分兩岸沙沙邊水色近人家隋朝古陌銅駝柳石
氏荒原金谷花庭葉霜濃悲遠客宮城日晚度寒鴉未成
歸計關河阻空望白雲鄉路賒

題龍門僧房

同上

靜室遙臨伊水東寂寥誰與此身同禹門山色度寒磬蕭
寺竹聲來晚風僧宿石龕殘雪在鴈歸沙渚夕陽空偶將

心地問高士坐指浮生一夢中

登龍門敬善寺閣

同上

獨步危梯入杳冥天風瀟灑拂簷楹禹門煙樹正春色少
空雲屏向晚晴花落院深清禁閉水分川闊綠蕪平瑣窓
朱檻回仙界半夜緜山有鶴聲

秋月望上陽宮

同上

苔色輕塵鎖洞房亂鴉羣鶴集殘陽青山空出禁城日黃
葉白飛宮樹霜御路幾年香輦去天津終日水聲長此時
獨立意難盡正值西風砧杵涼

洛陽縣志

卷之二十一 七律

无

遊上方石窟寺

同上

苔徑縈迴景漸分儵然空界靜埃氛一聲疎磬過寒水半
壁危樓隱白雲雪下石龕僧在定日西山木鳥成羣幾來
吟嘯立朱檻風起天香處處聞

題天宮寺閣

同上

丹闕侵霄壯復危排空霞影動簷屏城連伊水禹門近煙
隔上陽宮樹微天歛暮雲殘雨歇路穿春草一僧歸此來
閑望更何有無限清風生客衣

過北邙山

同上

散漫黃埃滿北原折碑橫路礙苔痕空山夜月來松影
荒塚春風變木根漠漠兔絲羅古廟翩翩丹旆過孤村白楊
落日悲風起蕭索寒巢鳥獨奔

洛神怨

同上

子建東歸恨思長飄飄神女步池塘雲鬟高動水宮影珠
翠乍搖沙露光心寄碧沈空婉戀夢殘春色自悠揚停車
綺陌傍楊柳片月青樓落未央

寓居寄友人

同上

雨餘虛館竹陰清獨坐書窓軫旅情芳草衡門無馬跡古
洛陽縣志

卷之二十一 七律

三

槐深巷有蟬聲夕陽雲盡高峯出遠岸煙消洛水平今夜
南原賞佳景月高風定苦吟生

故洛陽城

李 邕

胡兵一動朔方塵不使鑾輿此重巡清洛但流嗚咽水上
陽深鎖寂寥春雲收少室初晴雨柳拂中橋晚渡津欲問
升平無故老鳳樓回首落花頻

曉過伊水寄龍門僧

司馬扎

龍門樹色暗蒼蒼伊水東流客恨長病馬獨嘶殘夜月行
人欲渡滿船霜幾家煙火依村步何處漁歌似故鄉山下

禪菴老師在願將形役問空王

送孔恂入洛

同上

洛陽古城秋色多送君去心如何青山欲暮惜別酒碧
空承盡傷離歌前朝冠帶掩金谷舊遊花月經銅駝行人
正苦奈分手日落遠水生微波

洛中寒食二首

皮日休

千門萬戶掩斜暉繡幃金銜晚未歸擊鞠王孫如錦地鬪
雞公子似花衣嵩雲靜對行臺起洛鳥閑穿上苑飛唯有
路傍無意者獻書未納問滹肥

洛陽縣志

卷之二十一 七律

三

遠近垂楊映細車天津橋影壓神霞弄春公子正迴首趁
節行人不到家洛水萬年雲母竹漢陵千載野菜花欲知
豪貴堪愁處請看邙山晚照斜

上陽宮

羅鄴

春半上陽花滿樓太平天子昔巡遊千門雖對嵩山在一
笑還隨洛水流深鎖笙歌巢燕聽遙瞻金碧路人愁翠華
却白登仙去賜斷宮娥望不休

經故洛城

同上

一片危牆勢恐人牆邊日日走蹄輪築時驅盡千夫力崩

處空爲數里塵長恨往來經此地每嗟興廢欲霜巾那堪
又向荒城過錦雉驚飛麥隴春

洛水

同上

一道潺湲濺暖莎年年惆悵是春過莫言行路聽如此流
水深宮恨更添橋畔月來清見底柳邊風緊綠生波縱然
滿眼添歸思去把漁竿奈爾何

洛陽春望

同上

洛陽春盡絕塵埃嵩少煙嵐畫障開草色花光惹襟袖蕭
聲歌響隔樓臺人心便覺閑多少馬足方知倦往來愁上

洛陽縣志

卷之二十一 七律

三

中橋橋上望琪波東去夕陽催

雒城作

羅隱

大鹵旌旗出洛濱此中煙月已埃塵更無樓閣尋行處只
有山川識野人早得鑄金誇范蠡旋聞垂釣哭平津舊遊
難得時難遇迴首空城百草春

經故洛陽城

同上

敗垣危堞跡依稀試駐羸驂弔落暉跋扈已成梁冀在簡
書難問杜喬歸由來世事須翻覆未必餘才解是非千載
昆陽好功業與君門下作恩威

北邙山

同上

一種山前路入秦嵩山堪愛此傷神魏明未死虛留意莊
叟雖生酌滿巾何必更尋無主骨也知曾有弄權人羨他
緱嶺吹簫客閑訪雲頭看俗塵

駕部鄭郎中三十八丈尹貳東周榮加金紫谷以末

派之外恩舊事深因賀送

鄭谷

香浮玉陛曉辭天袍拂蒲茸稱少年郎署轉曹雖久次京
河亞尹是優賢縱遊雲水無公事貴買琴書有俸錢今日
龍門看松雪探春明日向平泉

洛陽縣志

卷之二十一 七律

三

上陽宮辭

吳融

苑路青青半是苔翠華西去未知回景陽春漏無人報太
液秋波有雁來單影可堪明月照紅顏無奈落花催誰能
賦得長門事不惜千金奉酒杯

洛陽吟

時大駕在蜀巢寇未
平洛中寓居作七言

韋莊

萬戶千門夕照邊開元時節舊風煙宮官試馬遊三市舞
女乘舟上九天胡騎北來空進主漢玉西去竟昇僊如今
艾老偏垂淚不見承平四十年

和集賢侯學士分司丁侍御秋日雨霽之作

同 上
洛岸秋晴夕照長，鳳樓龍闕倚清光。
玉泉山淨雲初散，金谷樹多風正涼。
席上客知蓬島路，坐中寒有栢臺霜。
多慙十載遊梁士，却伴賓鴻入帝鄉。

洛北村居

同 上

十畝松篁百畝田，歸來方屬大兵年。
巖邊石室低臨水，雲外嵐峰半入天。
鳥勢去投金谷樹，鐘聲遙出上陽煙。
無人說得中興事，獨倚斜暉憶仲宣。

洛城見賀自真飛昇

陳 陶

洛陽縣志

卷之二十一

七律

詩

王晉鸞飛古洛川，金桃再熟賀郎仙。
三清樂奏嵩邱下，五色雲屯御苑前。
朱頂舞低迎絳節，青鬟歌對駐香軒。
誰能白晝相悲泣，太極光陰億萬年。

上陽宮詞

徐 黃

點點苔錢上玉墀，日斜空望六龍西。
妝臺塵暗青鸞掩，宮樹月明黃鳥啼。
庭草可憐分雨露，君恩深恨隔雲泥。
銀蟾借與金波路，得入重輪伴羿妻。

金谷園

李咸用

石家舊地聊登望，寵辱從茲信可驚。
鳥度野花迷錦障，蟬

吟古樹想歌聲歸將玉貌同時死却羨蒼頭此日生多積
黃金買刑戮千秋成得綠珠名

洛陽道

鄭渥

客亭門外路東西多少喧騰事不齊楊柳惹鞭公子醉
麻掩淚曾人迷通宵塵土飛山月是處經營夾御堤頃刻
知音幾存歿半回依約認輪蹄

北邙山

吳商皓

北邙山草又青青今日銷魂事可明綠酒醉來春未歇白
楊風起柳初晴岡原旋塋松新長年代無人闕半平堪取
洛陽縣志 卷之二十一 七律 三

金爐九還藥不能隨夢向浮生

送僧歸洛中

釋齊已

赤日彤霞照晚坡東州道路興如何蟬離楚柳鳴猶少葉
到嵩雲落漸多海內自爲閑去住關頭誰問舊經過叮嚀
與訪香山寺白樂天真在也麼

宋

還過東都留守周公筵上贈座客

徐鉉

賈生三載在長沙故友相思道路賒已分中年甘寂寞豈
知今日返京華麟符上相恩偏厚隋苑留歡日欲斜明日

江頭倍惆悵遠山芳草映殘霞

再至西都

一本寄謝希深

歐陽修

伊川不到十年間魚鳥今應惟我

一作我自

還浪得浮名銷壯

簡羞將

一作看

白髮見

一作對

青山野地向客開

一作興花向我情猶

笑芳草留人意自閑卻到

一作行至

謝公題壁處向風清淚獨

一作壁風

潸潸

送京西提刑趙學士

同上

題輿嘗屈佐留京攬轡今行

一作來

按屬城楚館尚看淮月

色嵩雲應過虎關迎春寒酒力風中醒日暖梅香雪後清

洛陽縣志

卷之二十一 七律

美

野俗經年留惠愛莫辭臨別醉冠傾

懷嵩樓新開南軒與郡僚小飲

同上

繞郭雲煙

一作閣煙雲

匪幾重昔人曾此感懷嵩霜林落後山

爭出野菊開時酒正濃解帶西風飄畫角倚闌斜日照青

松會須乘醉携佳客踏雪來看羣玉峰

答丁元珍

同上

春風疑不到天涯二月山城未見花殘雪壓枝猶有橘凍

雷驚笋欲抽芽夜聞啼雁生鄉思病入新年感物華曾是

洛陽花下客野芳雖晚不須嗟

酬孫延仲龍圖

同上

洛社當年盛莫加洛陽耆老至今誇

梅聖俞張堯夫張子野延仲與予皆在洛

中死生零落餘無幾齒髮衰殘各可嗟北庫酒醪君舊物

延仲前守汝陰西湖煙水我知家已將二美交相勝仍枉新篇麗

彩霞

和應之同年兄秋日雨中登廣愛寺閣寄梅聖俞

同上

經年都洛與君交共許詩中思最豪舊社更誰能擁鼻新

秋有客獨登高徑蘭欲謝悲零露籬菊空開乏凍醪縱使

洛陽縣志

卷之二十一

七律

三

河陽花滿縣亦應留滯感潘毛

遊石子澗

富相公
劍亭

同上

截嶽高亭古澗隈偶携佳客共徘徊席間風起闌天籟雨

後山光入酒杯泉落斷崖衝壑響花藏深崦過春開麝麝

禽鳥莫驚顧太守不將車騎來

答西京王尚書寄牡丹

同上

新花來遠喜開封呼酒看花興未窮年少曾爲洛陽客眼

明重見魏家紅却思初赴青油幕自笑今爲白髮翁西望

無由陪勝賞但吟佳句想芳叢

寄西京通判宋次道學士

梅堯臣

當時交友都無幾，欲問歡娛亦異今。
花接上林新木變，水分清洛舊池深。
嵯峨嵩色雲常在，窈窕宮牆草又侵。
修竹千竿白家寺，昔年題處可能尋。

遊洛中內

蘇舜欽

洛陽宮闕鬱嵯峨，千古榮華逐逝波。
別殿秋高風漸澀，後園春老樹婆娑。
露凝碧瓦寒光滿，日轉觚稜暖豔多。
早晚金輿此游幸，鳳樓前後看山河。

和副樞貝諫議寄題廣化寺東軒

文彥博

洛陽縣志

卷之二十一 七律

庚

淨居高出四禪天，更對伊嵩闢廣軒。
塔聳千花依鷲嶺，舟浮一葉上龍門。
雲藏古木當危檻，風遞疎鐘過遠村。
我有草堂南澗口，一回西望一銷魂。

留守相公寵示東田讌集詩，依韻奉和。

同上

嘗同徐勉搆東田花木，成陰雨後天。
爲趁霜華寬白簡，得隨津閣看紅蓮。
清樽屢酌吟情逸，翠袖頻翻舞態妍。
歸興直須三鼓盡，月華應是十分圓。

近聞有真率會，呈提學端明司馬。

同上

近知雅會名真率率意從心各任意顏子簞瓢猶自樂
耶鯁非不爲貧加邁只恐勞煩主緝御徒能困倦賓務
去華方盡適古來彭澤是其人

宿獨樂園詰朝將歸

同上

平曉何人汲井華
轆轤聲發散春鴉
開園更有四五日
映葉尙餘三兩花
宿病岑岑猶帶酒
無眠耿耿不禁茶
自嫌行樂妨年少
遽索籃輿且向家

安樂窩中吟十四首錄三

邵雍

安樂窩中職分修
分修之外更何求
滿天下士情能接
遍

洛陽縣志

卷之二十一

七律

堯

洛陽圓身可遊行
已當行誠盡處
看人莫看力
生頭因思
平地春言語
使我嘗登百尺樓

安樂窩中春不虧
山翁出入小車兒
水邊平轉綠楊岸
花外就移芳草堤
明快眼看三月景
康強身歷四朝時
鳳凰樓下天津畔
仰面迎風倒載歸

安樂窩中春夢迴
備無塵事可裝懷
輕風一霎座中過
釣樂數聲天外來
日影轉時從杖履
花陰交處傍樽壘
人間未若吾鄉好
又况吾鄉多美才

首尾吟錄七

同上

堯夫非是愛吟詩詩是天津竚立時有意水聲千古在
情山色四邊圍孤鴻遠入晴烟去雙鷺斜穿禁柳飛景物
不妨閒自適堯夫非是愛吟詩

堯夫非是愛吟詩詩是天津再任時積翠鶯花供秀潤上
陽風月助新音鳳凰樓觀雲中看道德園林枕上窺不負
太平吟笑事堯夫非是愛吟詩

堯夫非是愛吟詩詩是堯夫登閣時往事千年徒渺漭斜
陽一片漫光輝伊川洛川水似線太室少室峰如錐爭者
從來是閒氣堯夫非是愛吟詩

洛陽縣志

卷之二十一

七律

四

堯夫非是愛吟詩詩是堯夫曠望時一片園林擁京國幾
層樓觀犯雲霓朝昏天氣屢變易今古人情旋合離欲問
遠山惟斂黛堯夫非是愛吟詩

堯夫非是愛吟詩詩是堯夫信脚時高祖宅前花似錦魏
王堤畔柳如絲因閒看水行來遠就便遊園歸去遲每遇
好風還眷眷堯夫非是愛吟詩

堯夫非是愛吟詩詩是堯夫出入時草軟沙平月陂下雲
輕日淡上陽西花深柳暗銅駝陌風暖鶯嬌金谷堤盡是
堯夫行樂處堯夫非是愛吟詩

堯夫非是愛吟詩詩是堯夫無奈時
眼下見榮還見辱心中疑是又疑非
上陽宮殿空遺堵金谷園林但落暉
天若有言人可問堯夫非是愛吟詩

東軒消梅初開勸客酒二首之一 同上

爲愛消梅勝早梅數枝先發日徘徊
若教嶺表臘前盡安有洛陽正後開
香逐暖風初出谷豔隨芳酒正浮醅
佳賓曾取東君意莫負乘春此際來

春遊五首錄二四五 同上

洛城春色浩無涯春色城東又復嘉
風力緩搖千樹柳水光輕盪半川花
烟晴翡翠飛平岼日暖鴛鴦下淺沙
不見君王西幸久遊人但感髭空華

洛陽縣志

卷之二十一 七律

早

人間佳節唯寒食天下名園重洛陽
金谷暖橫宮殿碧銅甃晴合綺羅光
橋邊楊柳細垂地花外鞦韆半出牆
白馬蹄輕草似剪爛遊於此十年強

三月牡丹方盛開鼓聲多處是亭臺
車中遊女自笑語樓下看人閒往來
積翠波光搖帳幄上陽花氣撲樽壘
西都風氣所宜者草木空妖誰復哀

閒居須是洛中居天下閒居皆莫如文物四方賢俊地
川千古帝王都絕竒花畔持芳醞最軟草間移小葺只有
堯夫負親舊交親殊不負堯夫

秋遊六首錄二四

同上

先秋顥氣已潛生洛邑方知節候平庭院乍涼人共喜圍
林經雨氣尤清迴舟伊水風微溜緩轡天津月正明自有
臯夔分聖念好將詩酒樂昇平

家住南城水竹涯乘秋行樂未嘗虧輕寒氣候我自愛半
醉光陰人莫知信馬天街微雨後凭欄僧閣晚晴時十年
洛陽縣志

卷之二十一

七律

十一

美景追尋遍好向風前摘白髭

秋霽登石閣

同上

初晴僧閣一凭欄風物淒涼八月間欲盡上層嘗脚力更
於高處看人寰秋初天氣隨宜好老後心懷只愛閒爲報
遠山休歛黛這般情意久闌珊

秋日登崇德閣二首

同上

無限高賢抑壯圖登臨不用起長吁山川千古戰爭後冠
劍百年零落餘浪把功名爲已任那知富貴豈人護丹青
曲盡世間妙寫得凭欄意思無

一百年來號太平當初仍患不丁寧京都尚有漢唐氣宮闕猶虛霸王形烟外亂峯纔隱約霜餘紅樹半凋零樽中有酒難成醉旋被西風吹又醒

天津閒步

同上

洛陽城裏任西東二十年來放盡慵故舊人多時歎曲京都國大體雍容池平有類江湖上林靜或如山谷中不必修功蓋天下閒居之樂自無窮

洛下園池

同上

洛下園池不閉門洞天休用別尋春縱遊只却輪閑客徧洛陽縣志

卷之二十一 七律

星

八何嘗問主人更小亭欄花自好儘荒臺榭景纔真虛名誤了無涯事未必虛名總到身

後園卽事三首之二

同上

天養疎慵自有方洛城分得水雲鄉不聞世上風波險但見壺中日月長一局閒棋留野客數杯醇酒面修篁物情悟了都無事未學顏淵已坐忘

年老逢春十三首之四

同上

年老逢春莫厭春任家况復在天津旣將水竹爲生計須與風花作主人故宅廢功除瓦礫新畦加意種蘭薰未知

去此閒田地何地更能容此身

風吹木葉吟

同上

風吹木葉不吹根慎勿將根苦自陳天子舊都閒好住聖人餘事冗休論長年國裏神仙侶安樂窩中富貴春萬水千山行已遍歸來認得自家身

和吳傳正寺丞韻

同上

上陽光景好看書非象之中有坦途良月引歸芳草渡歸宿快風飛過洞庭湖彼岸不因赤水時時往赤水明珠因象得之焉有黃芽日日娛莫道天津便無事也須閒處着功夫閒處功夫

洛陽縣志

卷之二十一 七律

四

着而不着來詩云從此天津南畔景不教都屬邵堯夫故有是句

安樂窩中好打乖吟

同上

安樂窩中好打乖打乖元不用安排重寒盛暑多開戶輕暖初涼時出街風月煎催新筆硯鶯花引惹傍樽罍順天時事何曾安排問君何故能如此祇被才能養不才

題水北楊郎中園亭二首

司馬光

買宅從來重見山見山今值幾何錢奇峰環列遠隔水喬木俯臨微帶烟行路客疑驚洞府凭欄人恐是神仙長真暗入丹青手寫向儼猶天下傳

洛下誰家不買居，買居還得似君無。風光一片非塵世，景物四時成畫圖。後圃花奇同閬苑，前軒峰好類蓬壺。人生能向此中老，亦是世間豪丈夫。

楊郎中新居和堯夫先生韻

呂公著

高齋曠望極三川，却顧卑居不值錢。二室峯巒疑畫碧，萬家樓閣帶輕烟。春濃繚繞環遊騎，地勝依稀寓列仙。唱發幽人丞相和，當時紙貴洛城傳。

碧瓦朱門將相居，見嵩臨洛百家無。登高此地還能賦，會老他年定八圖。花發四時排步障，鳥鳴終日勸提壺。何人

洛陽縣志

卷之二十一

七律

七

遇賞偏留賞逸士，清風激鄙夫。

和魏教授見贈

同上

清世文章日月懸，無才惟幸樂豐年。遊山太室更少室，看水伊川又洛川。古有孟軻難語覺，時無顏子易爲賢。讀書每到天根處，長懼諸公問極前。

留題龍門二首

同上

融結成來不記秋，斷崖蒼壁鎖烟愁。中分洪造夏王力，橫截大山伊水流。八節灘聲長在耳，一川風景盡歸樓。行人莫動凭欄興，無限英雄浪白頭。

誰將長劍斬長蛟，斬斷長蛟劍復韜。爪尾蜿蜒凝華岳，角牙鸞惡結嵩高。骨傷兩處，蘄蒼壁血出東流。洵巨濤此物，猶難保身首爲言讓口莫噉噉。

龍門石樓看伊川

同上

數朝從款走烟霞，縱意凭欄看物華。百尺樓臺通鳥道，一川烟雨屬僧家。直須心逸方爲樂，始信官榮未足誇。此景得遊無事日，也宜知幸福無涯。

二十二日晚步天津次日有詩

同上

溪翁昨晚步天津，步到天津佇立頻。洛水只聞煎去棹，西洛陽縣志

卷之二十一 七律

吳

風唯解促行人，山川慘淡籠寒雨。樓觀參差鎖暮雲，此景分明誰會得。欲霜時候鴈來賓。

和王常侍登郡樓望山

同上

四賢當日此盤桓，千百年人尙厚顏。天下有名難避世，胸中無物漫居山。事觀今古興亡後，道在君臣進退間。若蘊奇才必竒用，不然須負一生閒。

和王安之六老詩仍見率成七七首錄一五七

同上

六老皤然鬢似霜，縱心年至又非狂。園池共避何妨勝，樽

酒相懽未始恹杖屨爛遊十載運衣巾濃惹萬花香過從
見牽添成七况復秋來亦漸涼

大客同遊一醉鄉又非流俗所言狂迨遊共喜清平久唱
和爭尋警策恹薦酒月陂林菓熟發茶金谷井泉香千年
松下麾談塵襟袖無風亦自涼

林下狂歌不貼腔貼腔安得謂之狂小車行處鶯花鬧大
筆落時神鬼忙門掩紫荆闌透墻開瓮爨薜蘿香一般
天下難尋物洛浦清風拂面涼

寄吳傳正寺丞

同上

洛陽縣志

卷之二十一

七律

七

敦篤情懷世所稀昔年今日事難追雪霜未始寒無甚松
桂何嘗色暫移洛邑士人雖我信天津風月只君知夢魂
不悟東都遠依舊過從似舊時

延福坊李太博乞園池詩

同上

宣威十九次高牙奕葉功臣舊將家清世辭榮歸里第白
頭行樂過年華杯盈香醕浮春水曲度新聲出靚花如此
園池如此壽兒孫滿眼慶無涯

王安之同赴王宣徽洛社秋會

同上

後房深出會親賓樂按新聲妙入神紅燭盛時翻翠袖畫

燒停處占青蘋早年金殿舊遊客此日鳳池將去人室冠
名都號蝸隱邵堯夫敢作西鄰

和堯夫先生安樂窩中好打乖吟

富弼

先生自衛客西畿樂道安閒絕世機再命初筵終不起
不獨甘窮巷寂無依貫穿百代常探古吟咏千篇亦造微
珍重相知忽相訪醉和風雨夜深歸

耆英會詩二首

席汝言

繫國安危唐上宰功成身退漢留侯二公閒暇開高宴九
老雍容奉勝流共接雅歡恩意洽不矜崇貴禮容優賞心
居易縣志

卷之二十一 七律

吳

樂事人間盛豈調今稀古莫儔

壯歲塵埃祿仕牽老歸重到舊林泉會無勲業書青史偶
向康寧養老年自分杜門居陋巷敢期序齒預公筵更慙
形穢才涼薄不稱圖真接鉅賢

前題

趙丙南

新春禺洛燕英髦主禮雍容下庶寮二相比肩官一品十
人華髮事三朝星階並列瞻台耀樽酒時行挹汁杓東穎
庸人最無狀也將顏面趁嘉招

前題

劉九

司徒碩德今無比太尉殊勳固絕倫偶以暮年陪盛宴喜
將白髮照青春八公穢有山空著四皓當衰心且伸元老
相望疎迹在不應比會愧前人

前題

王謹言

相印貂冠粲六符華顛高會侍臣俱不將官職誇鄉里惟
尙年齡入畫圖履道清歡追故事矜瞻陰德見訐謨叨陪
几杖真榮觀珪璧叢中問珥珙

前題

張燾

洛城今昔衣冠盛韓園園林景物全功在三朝尊二相數

洛陽縣志

卷之二十一 七律

巽

踰九老萃羣賢當時鄉社爲高會此日居留許款邪多幸
不才陪履烏更慙七十是新年

前題

司馬光

洛下衣冠愛惜春相從小飲任天真隨家所有自可樂爲
具雖微誰笑貧不待珍羞方下筯只將佳景便娛賓庾公
此興知非淺藜藿終堪作主人

和堯夫先生秋霽登石閣

同上

飛簷危檻出林端玉屋嵩邱咫尺間獨愛高明遊佛閣豈
知憂喜出塵寰目窮蒼蒼織臺盡身得逍遙萬象閑暇日

登臨無厭數悲風殘葉已珊珊

奉和安樂窩中吟

同上

靈臺無事日休休安樂由來不外求
細雨寒風宜獨坐暖天佳景卽閒遊
松篁亦足開青眼桃李何妨插白頭
我以著書爲職業爲君偷暇上高樓

和堯夫先生月陂上閒步二首

程顥

先生相與賞西街小子親持几杖來
行處每容參極論坐隅還許侍餘杯
檻前流水心同樂林外青山眼重開
時泰心閒難兩得直須乘興數追陪

洛陽縣志

卷之二十一

七律

辛

月陂堤上四徘徊北有中天百尺臺
萬物已隨秋色改一樽聊爲晚涼開
水心雲影閒相照林下泉聲靜自來
世事無端尙足計但逢佳日約重陪

和堯夫先生打乖吟二首之二

同上

聖賢事業本經綸肯爲巢由繼後塵
三幣未回伊尹志萬鍾難換子輿貧
且因經世藏千古已占西軒度十春
時止時行皆有命先生不是打乖人

前題

呂希哲

先生不是閉關人高趣逍遙混世塵
得志須爲天下雨放

懷聊占洛陽春家無甌石賓常滿論極鋪銖意始新任便
終身臥安樂一毫何費養天真

過天津橋

蔡襄

日暖溪平水漸銷水聲纔下內前橋山川滿眼開宮殿草
樹迷人舊市朝每向尋春偏有意却成懷古更無聊洛陽
平昔多豪俊惆悵埋魂不可招

洛陽春

王操

帝里山河■裁就中春色似先來暖融殘雪當時盡花
得東風一夜開艷日綺羅香上苑沸天簫鼓動瑤臺芳心
洛陽縣志

卷之二十一 七律

至

只恐烟花暮閑立高樓望幾回

寓展江亭謝堯夫寄酒及花

韓維

措枉我先違陞石均勞公已下堤沙已欣晚歲逢良友更
喜高秋見好花首酒芳新來似水危亭清絕至如家三盃
舉白歌相和急却風前兩鬢華

春霽憶洛陽

同上

少年結客洛陽時閒傍東風駐馬蹄山色遠饒潘岳宅波
光輕撼窈娘堤花繁到處紅如堵酒好尋常醉似泥賴有
金臺舊知己應憐魂斷虎牢西

送西京簽判王著作

王安石

見曹曾上洛城頭尚記清波遶驛流却想山川常在夢可
憐顏髮已經秋辟書今日看君去著籍長年歎我留三十
六峰應好在寄聲多謝欲來遊

和董傳留別

王注董傳字至和洛陽人有詩名嘗在鳳翔與東坡相從韓魏公鎮長安傅有

詩云古來風義遺才少近世

公卿薦士稱韓舉而已卒矣

蘇軾

麤繒大布裹生涯腹有詩書氣自華厭伴老儒烹瓠葉強
隨舉子踏槐花囊空不辦尋春馬眼亂行看擇壻車得意
猶堪誇世俗詔黃新溼字如鴉

洛陽縣志

卷之二十一 七律

五

送文太師還洛

蘇轍

國老無心豈爲身五年朝謁慰簪紳元臣事業通三世舊
將威名服四隣遍閱後生真有道欲談前事恐無人公
惟有凌雲曾歲歲何妨雨露新

洛神

同上

鄴宮檐瓦似鴛鴦蘭渚鳴鑿去國遙謾說君王留寶枕不
聞仙子和瓊簫驚鴻易沒青天月沈鯉難憑碧海潮腸斷
洛川東去水野烟汀草共蕭蕭

渡洛因泛舟東下數里頗意淮上

張耒

云云清洛轉山隈
渺東流不復
波爭泛
洛陽來偶驚舟
剡心起乍
晚應疑
病眼開疑是
盱眙郭門
如月明
帆影過清淮

春晚有感

詞七

洛川三月鴨鵝鳴
游絮繁空塵不驚
葦葦草色鋪
風軟點
點楊花
着水輕
何處浮雲
瘦天未
不妨微雨
被春晴
江南
有客增歸思
悵望汀洲
落雁生

傷心 時籍路 公完

鬼冲之

沙路朱轡想
馭軒傷心
歲月似
皇奔
平泉有
鑿空
流水綠

洛陽縣志 卷之二十一 七律

野無人但繞垣
九老畫圖傳
盛事四朝書
史載殊恩如何
巧者持鋤
過已向北
隣問子孫

遊龍門山次程公韻

秦觀

路轉橫塘入亂峰
遍尋瀟灑興無窮
樓臺特起喧
里外村
落隨生
指點中溪
傍五雲
清迥玉松
分八面
翠成宮
歸途
父老欣相語
今日程公昔謝公

歸洛道中

陳與義

洛陽城邊風起沙
征衫歲歲負年華
歸途忽幾
楊柳影春
事已到
蕪菁花
道路無窮
幾傾轂
牛羊既飽
各知家人生

擾擾成底事馬上哦詩日又斜

龍門

同上

不到龍門十載強斷崖依舊掛斜陽金銀佛寺浮佳氣花
木禪房接上方羸馬乍來還遲去流鶯多處最難忘老僧
不作留人意看水看山白髮長

宮使樞密富丈和篇高妙所謂壓倒元白末句許予

尤非所敢承謹用前韻叙謝

張元幹

修門一出十經春相業時來自奮身袖手深謀終活國揮

毫佳句且驚人語言每許聞前輩賓客何堪接後塵待掃

洛陽縣志

卷之二十一 七律

齋

櫓槍洗兵馬兩翁元語記天津

金

香山

周昂

山林朝市兩蕪然紅葉黃花白一川野水趁人如有約長
松閱世不知年子葛未暇償詩債一飮聊從結淨緣欲問
安心心已了手書誰識是生前

洛陽懷古

龐 壽

草樹蕭條故苑荒山川慘淡客魂傷玉光照夜新開塚劍
氣沈沙古戰場金谷更誰誇富麗銅駝無處問興亡一尊

雒陽

蕭貢

西來洛水遶崧高野店荒村撫市朝董卓搜牢連數月郭
威夯市又三朝劫灰深掘終難盡鬼火爭然忽自消千古
興亡幾春夢只將閒話付漁樵

早發寶應龍門道中有感

趙元

山僧送客客行東廻首雲寮夢寐中人語咿叻村店火帽
簷歌側石門風伊川遠暎春冰綠少頂先攙曉日紅爲問
年來幾還往只應烏鵲識衰翁

洛陽同裕之欽叔賦

雷淵

洛陽縣志

卷之二十一 七律

五

日上煙花一片紅崧邛西峙洛川東纔聞候騎傳青蓋又
見牽羊出絳宮事去關河不橫草秋來陵寢但飛蓬書生
不奈興亡恨斗酒聊澆魂磊胸

洛陽

元好問

千年河岳控喉襟一日神州見陸沉已爲操琴感衰涕更
須同輩憂秋衾城頭大匠論蒸土地底中郎待摸金擬就
天公問翻覆蒿萊丹碧果何心

懷秋林別業

同上

茅屋蕭蕭浙水濱豈知身屬洛陽塵一家風事何年盡

項田圍入莫頻高樹有巢鳩笑拙空牆無穴鼠嫌貧西南
遙望腸堪斷自古虛名只悞人

元

洛陽懷古

楊東

洛陽雲樹鬱崔嵬落日行人首重回山勢忽從平野斷河
聲偏到故宮哀五噫擬逐梁鴻去六印休驚季子來惆悵
青槐舊時路年年無數野棠開

前題

劉質

攬轡登臨感興濃東都形勝古來雄兩關地阨東西一

洛陽縣志

卷之二十一

七律

美

氣天分子午中雲淡嵩邛高塚在水流伊洛故城空銅駝
陌上思前事落日惟聞牧笛風

洛神

可溫雅琥

洛溪秋風水葉飄君王歸國去程遙漫將闕下留金枕錯
比宮中記洞簫宛轉鴻鷺驚未定翩躚鶴立立誰招不堪
此日轆轤道上馬迴眸隔九霄

公子家

宋无

朱門當道擁高槐拂曉鳴騶散乳鴉紅叱撥驕矜隘匪黑
崑崙燕解琵琶姬將銀蠟燒明月大帶金鈴臥落花不信

銅駝荆棘裏百年前是五侯家

白樂天影堂

楊雲鵬

晚慕浮圖伴衲衣至今高榜揭岩扉
夢中身世原無有壁上形容果是非
但得蓬蒿猶可住何須兜率是真歸
渺茫兩地知何在滿眼春波白鷺飛

明

奉使河東夏五過白馬寺湯賦

王誨

寶刹高標倚太清使車亭午駐飛旌
菩提樹老風聲遠卓錫雲深鶴翅輕
喜見翻經僧入定猶聞繞塔馬悲鳴
匆匆洛陽縣志

卷之二十一 七律

五

到此匆匆去蒼苟何能頃刻生

洛陽懷古

周叙

春風弔古洛城邊一望川原思渺然
綠野堂湮空宿燕天津橋廢不聞鶻
成周故國寒烟外汴宋諸陵夕照前
獨有澗瀍流水在滄波東去自年年

前題

韓文

纒過溪橋又渡河征鞍暫解宿彭婆
風欺客鬢頻沾土香拂佛頭錯認螺
洛水東流空浩蕩邙山北枕尚巖我
繁華不見當年景弔古今人恨轉多

洛中

王廷相

中天鬱鬱周南國，西望龍蟠古甸層。
洛水微茫隋大業，邙山隱見漢諸陵。
荒原杜宇春啼血，廢陌銅駝夜有靈。
誰弔遺踪雲霧裏，暮笳哀角不堪聽。

九日同呂文川宿龍門洞中

溫如璋

谷口明霞烟樹低，龍門夜整石床棲。
出林弦月光侵席，瀑洞珠泉響注谿。
佳節名山難並遇，繁絃急管對留題。
君看萬佛崖端像，寂寞前朝風雨淒。

春遊邙山佛堂

同上

洛陽縣志

卷之二 一七律

七

車臨丹壑疑無路，樹擁蒼崖忽有門。
徑竹遠來僧磬響，洞雲穿去佛堂存。
日移檜影侵棋局，風引花香到酒尊。
醉後談空坐巖頂，俯看滿院白雲屯。

遊龍門

唐順之

龍門巖截拂雲迴，鯨浪涵奔動地來。
一片飛泉千仞落，百重疊嶽五丁開。
水同漚澗縈天邑，山接嶠函鎖帝臺。
勝槩依稀似禹穴，好奇徒愧馬遷才。

送友人還洛

李襄陽

十日朝天春始迴，洛邦真喜使君來。
柳條臨路若相待，梅

花滿堂渾欲開雪晴幾過回鑾浦日落時登承露臺九重
他日求賢詔不道今無賈傅才

晚步天津

王雲鳳

山光翠疊老龍鱗故國遺墟草自新世事盡隨伊闕水行
人獨踏漢宮塵北邙高冢元無主金谷殘花不繫春却恐
杜鵑今再至天津橋上客傷神

九日登邙山上清宮

吳瀚

上清古廟枕荒岑况值重陽感慨深往事青牛不可問東
來紫氣謾消沉何人能了元闕旨舉世空傳道德音我欲
洛陽縣志

卷之二十一

七律

吳

乘風覓仙跡碧天無路可追尋

九日晚登上清宮相傳老子鍊丹故處時嘉靖甲寅
之歲是日無菊因觀先中丞公有作感而賦之

吳三樂

仙界登時已暮鐘步虛今上最高峯山中空負黃花約谷
口猶疑紫氣重風雜笙聲搖晚竹月移壇影落踈松他年
筋力能常健欲覓金丹問故蹤

洛陽懷古

宋榮

王氣煙銷九鼎移蕭條往事不勝悲河流猶咽先朝恨城

郭空圍故國，基暮雨孤村。雲黯黯，秋風滿地，黍離離。英雄
多少凋零盡，惟有邙山似舊時。

前題

李瀚

停驂周道問興亡，往事迎眸祇自傷。萬雉城闌餘瓦礫，幾
朝官殿屬耕桑。長河漱灩趨東海，荒塚嗟峨滿北邙。物換
星移知幾度，嵩山依舊色蒼蒼。

前題二首

龐太樸

風雨何年得氣均，成周家室舊溱溱。中天有影蓬蒿換，洛
下無王桀犬狃。古道悲歌灑水咽，荒祠歷落闕門春。而今
洛陽縣志

卷之二十一

七律

本

痛定干戈後，似欲尋花理角巾。

春風發發曉寒侵，凍合千秋天地露。遙憶龍門留暮雪，幾
從橋上聽鳴禽。花光不識華林主，日下猶垂金谷陰。成敗
千秋同一笑，東西瀍澗盡浮沉。

遊安樂窩

耿裕

伊闕當前背洛河，先生于此號行窩。一區廢址規模在，千
載遺風感慨多。皇極有書昭日月，古碑無字卧烟蘿。偶聞
林叟閑談論，猶道當年擊壤歌。

前題

黎浩

康節遺墟舊路迷棘荆滿地草萋萋一間小屋鄉人掃數
尺穹碑郡守題皇極至今傳數學天津曾昔聽鶻啼經遊
仰止心偏切駐馬遲回到日西

九日同遊安樂窩

謝江

九日却原興不孤野堂瞻拜客同趨酒樽細瀉臨黃菊葛
帽欹斜戴紫黃門對峯巒晴落影天空鴈鴛晚來呼遲迴
共憶人豪切閃閃明霞夕照紆

春日同陳仁泉遊三井洞

同上

銀闕何須碧海東洞懸靈井寄瀨中紛披瑤草春常滿隱
洛陽縣志

卷之二十一 七律

空

映金光晝每通鶴鶴日棲仙苑樹岩崖雲構葉珠宮並期
此地成丹藥螭鳳齊驂躡彩虹

范文正公祠

彭綱

褒賢寺外水漪漪魏國祠前草似茵廊廟江湖方寸地文
章事業百年身月明華表空山夜雨過珉塔老樹香嵩岳
極天河極海高墳千古鎮長新

前題

陸濱

翠灑松蘿障曉煙宋臣荒塚萬安前平生氣節穿金石爲
國勲謀羅簡編威望昔曾寒賊膽義名今尙說吳川我來

吊罷瞻依處落日凄凄思惘然

梅花堂詩二首

虞廷璽

疎梅數本近公堂蠟質冰肌有異香
密葉春生如鴨綠繁英冬發似鴛黃
還同東閣動詩興不獨孤山傲雪霜
原是洛陽花一種歲寒常抱鐵心腸

老梅花綻月黃昏不傍溪山不在村
疎影動時移雪魄暗香來處返冰魂
肯於綠野誇春色寧向黃堂露粉痕
却笑仙居林處士微吟亦可共金樽

還翠亭

劉健

洛陽縣志

卷之二十一 七律

空

小亭軒濶枕瀍隈曾共名流日往回
初去新園方錦繡歸來敝屋已塵埃
讀書窗廢多無紙灌藥渠乾總是苔
惟有南山當面立對人依舊送青來

前題

喬縉

幽境當年聚德星飛騰已見從南溟
一灣春水繞軒軒碧數點晴峯入牖青
月下影移樓鳳竹夜深光點照書螢
四時花木常環翠風過虛亭只自馨

雲溪洞

喬昇

貝闕幽虛不剪茅捲簾情境絕紛殺
爐藏金鼎丹將熟樹

合蒼松鶴自巢閣繞懶雲天外落窻開野馬眼前拋日移
花影閑亭靜坐看流螢度竹梢

金谷園

同上

晨光滿眼自睎微錦帳繁華四座圍舞影竟隨流水去歌
聲遙逐斷雲飛殞身風送鴛鴦錦全節雲埋翡翠衣金谷
酒寒閒夜月貞風靜與日相輝

謁范文正公祠

藍昌

後樂先憂擬治安當年事業陋伊桓沉沉古寺僧人少寂
寂荒墳鬼火寒女侍書成辭相易權奸網密濟時難淒涼
洛陽縣志 卷之二十一 七律 查

獨有墳前月常逐濤聲下碧灘

前題

王珣

匹馬巡行過萬安古墳山繞勢盤桓東吳慕義田猶在西
夏聞風膽尚寒孔孟門墻元不遠伊周事業故無難徘徊
不盡追思意回首龍門十里灘

雲臺詩

同上

洛水南來三四里好風吹我上層臺基高數仞凌雲漢績
偉千年賁草萊當日乾坤歸舊主一時文武總奇才誰知
回首斜陽裡祇有開花次第開

前題

邱起鳳

何處憑高紆曠懷
噓炎列將有遺臺
鼎移已墜中興緒
世遠誰憐前代才
凋落曾無瓦礫在
荒蕪時有牧芻來
傷心明主褒功地
一望蕭蕭盡草萊

遊三井洞

同上

鶴背仙人去不還
仙家靈境自天然
風吹玉乳厓頭樹
雲覆金沙洞裏田
曲水東浮連海嶠
亂山北下俯晴川
星壇寶籙春長在
閣盡園陵幾變遷

題漢將軍關公墓廟詩

同上

洛陽縣志

卷之二十一 七律

寄

將軍埋骨向天中
恰慰生前戴漢衷
遺像英靈崇洛土
古坵兀突拱南宮
門闌吞吐伊川秀
松杉飄颻嶽嶺風
爲嘆奸雄貪改玉
壘纍疑塚半成空

謁關塚

范廷弼

洛陽城外漢侯林
檜老松虬帶漢陰
三鼎未酬一統志
中原不死萬年心
忠懷落日凝殘照
正氣橫虛低暮岑
繫馬祠前不忍去
唏噓吊古幾長吟

前題

房楠

將軍高塚洛城南
伏臘牲豚社鼓酣
似有神靈來坐受
史

無姦佞不心慙兒童喜護門前樹士女爭趨廟內龕可憐
銅雀臺邊墓野草荒荒起碧嵐

關墓

失名

壽亭陵寢神宮闕碧殿高懸伊闕間憶昔丹誠扶漢室至
今玉匣塋青山風鳴洛水龍長出月隱寒松鶴自還誦德
詞臣碑碣在鱗鱗苔蘚碧成斑

金谷春晴

沈詩

西郊欵雨斷飛塵芒屨乘閒試踏春白雪懶吟今日句明
珠難覓舊時人林花尙帶胭脂濕烏韻猶存鼓吹新臺榭
洛陽縣志 卷之二十一 七律 奎
空餘禾黍地當年誰訝季倫貧

前題

邱起鳳

故園春到草芊芊載酒嬉遊澹蕩天日暖秦山騰紫翠風
柔澗水漾漪漣逢人探討沉樓事聽客抑揚修禊篇佳勝
自堪垂不朽齊奴名藉至今傳

天津曉月

沈詩

額梁斜跨洛城西曙色微微月落低粧閣乍開懸玉鏡行
舟纔棹破玻瓈光聯東曜寒烏散氣屬南和血宇啼陳跡
不堪重點簡祇聽流水自淒淒

前題

邱起鳳

白泛東方星漸稀
月斜印水水侵磯
渡舟欲棹嗔鷗亂
客馬初嘶見鴈飛
曙色依微搖樹影
波光空翠染征衣
故梁已毀哲人逝
縱有鶉鳴誰見幾

洛浦秋風

沈詩

涼風颯颯水流寒
更着微霜點樹丹
隔浦閒花沽酒旆
斷橋衰柳駐征鞍
離人月送飛帆遠
遊子心驚敝葛單
神女不知何處去
空留詞賦倩誰看

前題

邱起鳳

洛陽縣志

卷之二十一 七律

突

襟袂涼生入素秋
不堪蕭瑟到灘頭
一林霜葉濃于染
數片風帆迅不收
魚遊波清潛匿藻
雁嫌沙冷屢移洲
行人莫誦秋聲賦
興味蕭蕭應惹愁

馬寺鐘聲

沈詩

馱經龍定蓋珠宮
上有蒲牢喊曉空
萬法動搖寥廓內
諸魔獻散太虛中
遙山響答三更月
百雉聲聞十里風
猊榻謾催行衲起
前村乞食尙朦朧

前題

邱起鳳

悲鳴遠寺事空傳
竦聽鯨音徹法筵
響振松梢驚鶴夢
韻

沉潭底擾龍眠醒提吳作聲聞果悟到真開混沌天誰謂
騰蘭衣鉢杳洪鐘原寄一枝禪

銅駝暮雨

沈詩

挾斜深巷傍灑河獨立經逢暮雨何平句恨沾胡野馬荒
烟泣老漢銅駝苔侵暗砌飛螢火雲壓頽墻濕女蘿陌上
近來無劇孟低頭黯黯滄如沱

前題

邱起鳳

黑連夾馬暮雲平淨濯銅駝斜雨傾委巷潦生人跡少嚴
城夜冷柝聲輕羈窗不禁生長嘆抱膝無聊對短檠愁緒
洛陽縣志 卷之二十一 七律 七
是誰勾引起和衣展轉到天明

邙山晚眺

沈詩

陟彼高岡眺日斜笑看人醉洛陽花百年鐘鼎誰爲夢一
夕蓬蒿始是家破穴野狐眠返照凋稜石馬曝殘霞徘徊
歌罷雍門曲回首寒烟噪落鴉

前題

邱起鳳

北邙麓帶洛陽城向晚登臨感慨生斷碣偶留前代謚枯
楊傳是故家笙兒媼必照離幽窟狐待月華依野荆甬井

平泉朝遊

沈詩

試問荒原帶露耕當時此地是誰名不言舊跡何年建只
指殘碑在草橫霽色依微愁綠樹春風宛轉怨青鶯追思
難買千年醉片石無勞解宿醒

前題

邱起鳳

太尉遺莊址尚存曉風送客到荒村凝眸難覓石醒酒披
翳忽逢泉傍園野老負鋤徬宿霧牧兒驅犢趁朝曦九原
精爽如長在應悔貽文誠子孫

龍門山色

沈詩

洛陽縣志

卷之二十一 七律

亥

龍門劈破是何年瀉出伊流貫洛川壁夾輕陰浮芥棹空
搖清影落觥船晴開八字愁娥黛秋削雙峯韻士肩莫爲
吟眸難應接却憐飛翠醉詩仙

前題

邱起鳳

鑿斷層崖伊水流龍從雙闕壯金甌雨浮爽氣清來閣風
送晴嵐翠幌樓載酒波心停去棹扶筇洞口豁吟眸不徒
環秀開圖畫扼險能紆南顧憂

龍門

王正修

連山中勞禹功存伊水蒼茫闕道奔雙壁萬龕遺舍利陪

唐風物幾朝昏
勝蹟見
結駟重來幽興繁
僧磬
佛光
山水棹移不得浴鷗翻

前題

王世昌

天闢雙峯兩岸懸
沈寥一水寺門前
山樓俯瞰晴川樹
古洞長含小有天
雪滿佳人爭媚客
窺尊鷗鳥故臨舷
酒闌莫謗歌招隱
叢桂蕭疎祇自憐

前題

翟倣

洞口涼生愜素裾
雨晴闕塞景偏舒
山開絕巘分天塹
河抱巉巖散汗渠
苔護龍文還自麗
雲封佛面未全踈
艱危洛陽縣志
卷之二十一
七律
世路誰堪問
好向峰頭且著書

前題

陳思淑

雙峰環翠石門開
三逕逶迤鎖碧苔
蒼霧諸天迷古堞
澄潭一鑑倚山隈
平林雁背微風下
遠水雲拖片月來
航葦中流淹晚渡
紅塵不到掌中盃

前題

王滋

招攜選勝共聯鑣
十里香塵度次窾
峽口濁河搖落日
闕門晴雨漸歸湖
行歌石燕廻檣纜
倒景星槎傍杓躑
賞頓忘前路晚
還憑醉眼向峒嶠

過龍門

孫奭

伊川之水出閼頓奔騰直駕龍門迴自從神禹開天闢至
今嵩洛無昏災鑿山不數巨靈掌鞭石疑有萬神催安流
誰問元圭毀空看兩岍鑿如來

夏日同洛社諸君子游龍門分韻 失名

肩橫雙嶺入三川斷壑晴收萬樹烟遊騎飛塵金作勒書
船清吹酒如泉輕風谷口看孤鶯落日嵩南聽杜鵑最是
登臨懷故國摠因詞社湯留連

遊伊闕佛洞二首

陳伯友

洛陽縣志

卷之二十一 七律

七

峭石中分古洞穿躋攀危磴迴風烟東連嵩岳千峯出西
盡嶠關萬里懸遠壑樹殘寒日外長河潮落暮流遶憑欄
極目遼陽成爲憶金城退虜年

欲遡河源問漢槎忽瞻幽洞俯流霞千崖紫氣遙空盡十
丈金身對日斜下界蒼茫歸碧落諸天寂歷散瑤華登臨
不遣憂時恨方信恒河有劫沙

和龍門泛舟二首

霍鵬

禹鑿龍門水競流閒時邀客泛棠舟好風長送歌移棹明
月頻添酒滿岷山擁旌旗伊闕曉洞傳鑼鼓洛陽秋共看

漁父持竿去渺渺沙灘起白鷗

何事然犀照水中乘舟載酒任西東
檣搖兩岸皎漉淨帆掛孤樓蜃氣空
王子漫懷投壁志商家只數濟川功
爲參石佛龍山下長望慈航渡浪風

謁范文正公祠二首

同上

范公經略安秦塞誰令祠堂建洛都
上郡甲兵稱虎旅西羌部落頌龍圖
譚起三邊番膽破政陳十事帝心俞
秀才天下知多少肯學先憂後樂無

世卜姑蘓是故居材稱文武豈爲虛
知軍已薦韓琦簡對洛陽縣志

卷之二十一 七律

主

使曾焚元昊書名重蒼龍趨關後
功高白豹築城餘念我撫羗從舊議
梨花春酒薦何如

題全真觀 舊名雲溪觀

同上

遙望仙宮插太虛修真訪道樂何如
谷深老子乘牛後臺遠蕭郎跨鳳餘
碧洞參差三井密丹邱點綴五雲踈
寄書劉處元應在爭得瀍河雙鯉魚

春滿邙山花滿城今來寶殿謁三清
符傳王母朱書重錄出桐君縹帙輕
鹿過瓊階開印跡鶴栖珠樹蚤蜚聲
爲添文武燒丹竈玉節金幢入帝京

題澹然庵二首

同上

從來澹泊卽真如，淨土空庵響木魚。
雙樹階前聽法後，十方院裏譯經初。
燈傳僧舍隨明滅，雲起禪堂自卷舒。
龍樹馬鳴俱示寂，誰當把筆讚幽虛。

昔聞蘿徑諸天近，今過茆庵五里遙。
曲檻依稀風竹響，荒亭想像雨花飄。
山圍香舍烟飛蕩，泉汲銅瓶月動搖。
顧我宦情從此澹，虛無那補聖明朝。

前題

翟備

澹然澹處好安禪，杖屨追隨契夙緣。
點檢六根歸正覺，摩

洛陽縣志

卷之二十一

七律

圭

淨雙樹叩諸天，書成瀝膽留青瑣。
人結同心仿白蓮，頂上有臺稱說法。
西方隱約起晴烟。

前題四首

梁

君家曾爲署銀臺，真印兼提七聖財。
色相從教方外盡，毫光却向望中回。
人聯洛社盟迦葉，客過嵩山問大梅。
一刹天中增氣象，懽然三笑出塵埃。

歸山自是山中客，行住何妨問野狐。
却道塵緣皆幻夢，應知人世一須臾。
去來爲度三千界，迅猛寧勞十萬夫。
談到澹然無相處，寂然不動亦吾徒。

幾從人世嘆迷途爲向山窻聽好呼策杖不期逢舊侶結
茆况復是名都少林月映達磨壁香積茶供行者廬遙想
團樂留半榻已知掌握是龍珠

行行北郭見雲門人世紛華不與存聊向箇中發大覺轉
從上界契靈根松窻夜月詩千首白日殘棋酒一尊此是
主翁延賞意共逢何語復何言

前題

馬一元

解綬歸來已有年每攜杖履過林泉閒情自喜開精舍別
業誰同問老禪湖海一尊憐主客乾坤雙鬢嘆風烟箇中
洛陽縣志 卷之二十一 七律 三
認取逍遙處始覺人間只澹然

前題

許源

野外曇花一逕長時來結社問西方欲教萬法歸空相且
向諸天蕪妙香四面雲山開畫帳一川禾黍辦壺觴澹然
初服原相繼夢繞青蓮到佛堂

前題二首

楊玉潤

北邙晴日可登臨欲扣禪扉底處尋華髮投簪青瑣闥滄
洲結社白雲心滿原古樹環幽谷一帶斜陽落遠岑坐久
清茶諸念寂更持蓮水滌煩惱

祇園臨壑淨諸天不到塵囂意澹然陶令歸來依白社盧
公隱去傍滄泉夜寒幽洞方宜榻日煖虛堂漫捲簾一鉢
菜根偏有味世情濃處覓枯禪

前題

張大節

曾向衡陽禮澹然

衡陽有胡澹庵祠

澹然又見此名庵歎人不識

澹中味信我無心苦後耳春煖謾誇桃李艷歲寒常對竹
松參太羨元酒冲然足誰問征鴻北與南

洛城晚眺二首之一

張美含

戍樓獨倚思茫茫雨霽寒烟接大荒背郭午橋喧野渡連

洛陽縣志

卷之二十一 七律

七

雲甲第入斜陽林封谷口紅霞燦水漱厓根白練長
畫角一聲何處起空驚鴈影下陂塘

題山中古墓

閨秀徐媛

葱蘢曙色望中來一片寒光淨碧苔千嶂嗟哦雲影亂一
溪虛淼鏡花開白楊寂寂啼鳥悄芳草凄凄過雁哀惟有
北邙深夜月幽光嘗照古陵臺

金谷春晴

呂維祺

明珠錦帳委荒榛猶指名園屬季倫
隱隱帘飄修禊酒年年花落縹緲身
入春池館生村草過雨簪鈿拾水濱
却看

劈破層巒一水來，儼然雙闕向城開。千龕佛像唐雕鑿，萬世神功禹削裁。南捲牕簾貪遠翠，東分嶽黛入深杯。邵窩白社無人管，盡日巖雲片片堆。

平泉朝遊

同上

曉涉平泉故相園，枯藤荒草蔓頽垣。北州梨棗猶秋熟，南國珍奇何處捫。石卧莓苔疑醒酒，亭閒魚鳥憶開樽。陵遷谷變尋常事，何必遺書戒子孫。

邙山晚眺

同上

帶雒襟嵩曲枕黃，高原綿亘鬱蒼茫。古碑名姓埋黃土，殘洛陽縣志

卷之二十一

七律

美

隴蒿萊卧白楊，但見狐狸眠破穴。時聞燕雀噪斜陽，晚逢樵牧渾無賴。歷數興亡在斷腸。

清明新霽攜友人登九龍臺遊三井洞及邙山之麓

二首

同上

輕風晴日拂春衣，攜酒閒探入翠微。誰見洞穿三鶴起，人疑臺控九龍飛。紙錢荒棘迷高隴，青草垂楊亂夕暉。極目郊原憑吊處，無妨隨俗踏芳菲。

環湧一臺高，不見相將展齒勞。麥隴椰烟含宿雨，竹橋帘影醉晴桃。西來雜水浮熊耳，東鎖緱山帶虎牢。勝地

况逢修楔節騷人詩酒未爲豪

國朝

隋苑

呂履恒

西苑年年望翠華江都好夢自天涯依然湖海沉秋潦何處關山試此居夜雨寒飛中岳樹春風煖入上陽花北邙魂返雷塘路不信蕪城是帝家

澗漣

同上

想像元公卜澗漣東征萬里靜烽烟殷墟欲秀宮前麥嵩岳遙開石上蓮五等公侯朝覲地中原風雨會和年於今

洛陽縣志

卷之二十一 七律

七

匹馬經行處荒塚累累夕照邊

賈太傅祠

同上

賈生祠宇郡城隈日暮停車披草萊秋水不知年少去寒花偏傍洛陽開沅湘自古應同恨絳灌何人豈愛才我爲招魂歌楚些鳳凰千仞好歸來

巳巳春首汪太史悔庵來尹河南因呈此作

同上

春城初雨靜氛埃太守褰帷問草萊洛邑原爲股肱郡吳公真是治平才東郊麥秀迎風偃南國棠花溢露開聞道

繡裳歌父老徵書翻恐漢庭來

公曾出使琉球
特賜一品繡服

洛陽春興八首

同上

華林一夜聽啼鶯萬戶春聲滿洛城中
岳忽聞雲欲盡遺宮何處草還生
河山遠倦征人目烟雨常關故國情
爲問昇平諸父老曾經酺賜漢東京

曉日關城思寂寥元公遺廟在青霄
澗瀍春水環沙嶼郊

鄔雲山帶石橋盟府丹書悲舊社
戰場金鐵認前朝孤臣

碧血千秋在歌哭蒼天恨未消

謂先太傅

少室山南隱翠微洛神祠畔正斜暉
蓮花故向青天湧柳

洛陽縣志

卷之二十一 七律

夫

絮能禁白晝飛鸞輅夜清聞玉珮
鮫公春煖護珠衣陳王詞賦空流水
寔覺黃初事已非

極目愁登萬仞臺隋宮晉闕總蒿萊
羊車月下遊何處龍

舸天津去不回西苑花殘春雨暗
北邙松盡戍烟閑可憐

十代園陵在寒食誰澆酒一杯

賈傅文章未易逢汨羅投賦欲誰從
鳳能翔羽天難到魚

可吞舟海不容舊日祠堂臨曲水
新晴墟落對南峯驚才

絕艷俱如夢惟有東風過暮鐘

石關東去水悠悠想像春帆郭李舟
望若神仙應避世名

歸黨綱重封侯雲開洛泗山光遠天壓成臯樹色浮一自
顧鳳羅網盡於今人士少風流

陸渾山下二程墳一帶峯巒秀不羣地以昔賢開絕境天
留吾道在遺文中原日月林間出萬古烟雲戶外分東觀
南宮俱泯滅經傳薪火獨歸君

青要山中可著書黃河曲裏有高廬鳴鳩乳燕春應好金
谷銅駝事總虛蘿月夜深明戶牖松雲朝滿濕衣裾先公
故業惟忠孝祖德吟成樂有餘

洛陽秋思八首

同上

洛陽縣志

卷之二十一 七律

七元

洛陽衰草暗銅駝躑躅征鞍客再過望裏風雲銷王氣悲
來天地發高歌隴山有夢歸人少湘水無書去雁多萬里
秋空開倦眼回看關塞自嗟哦

上林秋晚集啼鴉西苑雲寒斷翠華
佗石東遷猶有國錦帆南去更無家
天教史冊存皇泰地感山河限永嘉
倦客登臨離黍後王城依舊夕陽斜

鐵嶺金鏞指顧中龍飛虎眈昔何雄
門圖沉水疑周甸仙淚零鉛憶漢宮
霜際曉鐘山寺白日邊殘角戍樓紅
澗灑猶是元公卜今古虛傳婁敬功

廿載荒原戰血乾洛陽花事尙彫殘樓臺西望函關迴風
雨東來少室寒桑梓苑中多白露芙蓉池上幾紅蘭石家
金谷知何處滿眼蓬蒿不忍看

上東門外迴車處落日寒雲弔北邙十載寢園空玉盃二
周城闕失金湯徒傳太后悲梁孝不信高皇易趙王幾樹
松杉燕斧盡遺民猶見淚沾裳

袁術城邊秋氣高山川想像舊旌旄赤眉萬衆干戈地白
髮孤臣戰守勞師潰金門虛鎖鑰玉辭玉殿逐蓬蒿黃河
不洗萇宏血斷岸悲風捲怒濤

辛巳賊破洛邑先
太傅同福王殉難

洛陽縣志

卷之二十一 七律

八

酒市相逢遊俠兒金尊玉管醉醱醑田橫義重三齊日劇
孟名高七國時青草古城嘶牧馬白楊荒塚宿寒鷗何如
巢許箕山上脫屣人間萬乘資

西風落木下孤城今古人同遲暮情三市塵沙濤夕照兩
宮砧杵斷秋聲縱橫無地憐蘇子神鬼何知問賈生寂寞
鴻都聞見絕十年愁思賦東京

上清宮二首

湯右曾

柱下遺文屬老成神宮千載祀周京空山日出生虛白遠
水雲間見太清松古會樓縹嶺鶴鐘殘猶聽上林鶯乾坤

消息歸芻狗不見關門紫氣生

東京形勢尚依然西去猶龍不復還
仙李盧無朝獻禮猗蘭悠遠降靈年
客來函谷秋風裏雁去王城夕照邊
不見尼山車馬跡空令遺史到今傳

伊闕懷古

同上

何年伊闕奠東京忽愴登臨萬古情
山斷似存神禹跡天清猶見洛陽城
水樓風靜孤帆去石室雲深一磬鳴
欲問元公舊祠宇憑欄滿眼暮烟生

前題

查昇

洛陽縣志

卷之二十一 七律

二

聚成金碧散成灰甲子循環十五回
白傅因緣他劫種清公餅盃後身來
千塔塔影浮香界八節灘聲上砌臺
移得北巖松栢動此山面目定重開

用松嶽元
禪師事

前題

汪士鋐

此生甘分作寒灰合向空山去不回
當日石樓常獨往他年彌勒笑重來
閒書經藏堂中記徧上龍門寺裏臺
好剩半弓屋角地茅齋待我拂塵開



